



## EPIDEMIJA KORONAVIRUS

PREPORUKE DŽEMATIMA, ČLANOVIMA I PRIPADNICIMA - 10.03.2020

U svim pokrajinama SR Njemačke u međuvremenu su potvrđeni slučajevi infekcije sa novim koronavirusom „SARS-CoV-2“, a koji prouzrokuje bolest pluća i dišnih organa „COVID-19“. Rasprostranjenost ovog virusa u Njemačkoj okvalifikovana je kao stanje epidemije.

Islamska zajednica Bošnjaka u Njemačkoj apeluje na sve članove i pripadnike da poduzmu sve potrebne mjere kako bi se zaštitili od ove bolesti i dali doprinos za suzbijanje/usporavanje širenja epidemije u Njemačkoj, što je u odgovornosti svakog pojedinca i ustanove.

**Zvanične informacije** – Preporučujemo džematima i pojedincima da prate instrukcije i upute saveznih i pokrajinskih ministarstava zdravstva (Gesundheitsministerium), lokalnog zdravstvenog zavoda (Gesundheitsamt), te Instituta Robert-Koch vezano za epidemiju „Koronavirus“ i o tome informišu članove i pripadnike Islamske zajednice Bošnjaka u Njemačkoj.

**Skupovi** – Savjetujemo - iz preventivnih i zdravstvenih razloga - otkazivanje do daljnjeg svih većih skupova (>100 učesnika) u džematskim i drugim zatvorenim prostorijama koji nisu molitvenog karaktera kao i planirane izlete i putovanja.

**Upute nadležnih** - U slučaju da lokalni zdravstveni zavod (Gesundheitsamt) donese odluku o zabrani okupljanja ljudi i zatvaranju školskih i/ili drugih javnih ustanova na području svoje nadležnosti, potrebno je odmah obustaviti sve aktivnosti u džematskim prostorijama, što obuhvata i zajedničke molitvene obrede (namaze), mektebsku nastavu, predavanja i sl.

**Rizične skupine** - Pozivamo hronične bolesnike, osobe sa slabijim imunitetom kao i starije osobe (+ 60), kao i osobe koje su se u proteklom periodu nalazile u rizičnim područjima ([www.rki.de](http://www.rki.de)) i/ili imali kontakt sa dokazano zaraženim osobama da do daljnjeg ne posjećuju džematske prostorije i veća okupljanja ljudi, obustave putovanja i sl. Podsjećamo kategorije iz navedenih rizičnih skupina da im je prema islamskim propisima dozvoljeno, iz preventivnih i zdravstvenih razloga, obaviti podne-namaz u kući umjesto džume u džamiji.



Osobe sa simptomima prehlade i/ili gripe (povišena temperatura, kašalj i sl.), svejedno da li se radi o odraslima ili djeci, pozivamo da ne pristupaju džematskim prostorijama i okupljanjima ljudi, već da ostanu u svojim kućama i kontaktiraju po potrebi nadležne ustanove.

**Higijena** - Apelujemo na sve članove da se pridržavaju principa lične i respiratorne higijene koja je duboko ukorijenjena u muslimanskoj tradiciji i islamskom nauku kroz uzimanje abdesta, gusula i redovno pranje ruku i sl, ali i da slijede upute i preporuke nadležnih ministarstava i zavoda. Savjetujemo da se pojačano vodi računa o higijeni u javnom i džematskom prostoru, te da džematski odbori osiguraju dodatne sanitarne mjere kako bi se pojačano održavala čistoća, kako prostorija tako i posjetitelja.

Posebno je potrebno voditi računa:

- redovno i temeljito pranje ruku sapunom
- uzimanje abdesta kod kuće po mogućnosti
- potpuno obustavljanje rukovanja, grljenja i sl.
- izbjegavanje dodirivanja lica
- držanje odstojanja prema drugim osobama
- kašljanje/kihanje u povijeni lakat
- redovno i temeljito zračenje/provjetranje džematskih prostorija
- redovno i temeljito čišćenje džematskih prostorija, posebno abdesthane i sanitarnih uređaja

### **Važni brojevi telefona**

|                 |  |
|-----------------|--|
| 116 117         | Ärztlicher Bereitschaftsdienst             |
| 115             | Einheitliche Behördennummer                |
| 0800 011 77 22  | Unabhängige Patientenberatung Deutschland  |
| 030 346 465 100 | Bürgertelefon Bundesgesundheitsministerium |

### **Daljnje informacije**

- RKI – Robert-Koch-Institut / [www.rki.de](http://www.rki.de)
- Örtliches Gesundheitsamt